

續修四庫全書



《續修四庫全書》編纂委員會編

# 續修四庫全書

上海古籍出版社

# 一〇〇四・子部・醫家類

溫熱暑疫全書四卷〔清〕周揚俊撰……………一

痢疾論四卷〔清〕孔毓禮撰……………六七

痢證匯參十卷〔清〕吳道源輯……………一三五

傷寒瘟疫條辯六卷〔清〕楊璿撰……………二二三

松峰說疫六卷〔清〕劉奎撰……………四三七

疫疹一得二卷〔清〕余霖撰……………五六三

問心堂溫病條辯六卷首一卷〔清〕吳塘撰……………五九九

# 溫熱暑疫全書

〔清〕周揚俊撰

據南京圖書館藏清康熙十八年刻本影印原書版框  
高一九一毫米寬二八二毫米

吳門 薛生白 吳正功 重校

# 溫熱暑疫全書



弁言

三

是編論溫熱暑疫四種大病。斟酌古今。晰微闡奧。大段已備。學者以此入門。引繩畫墨。足可臨證。應變無窮。通庚申之乳燬。于劫火搜求。遺書頗難。是編亦已十稔。未獲今甫購得。珍如拱壁。假友人藏本。正偽補缺。始成完書。爰識數語。弁于簡首。云爾。同治辛酉春。伯卿氏記。

溫熱暑疫全書 弁言 自序

自序

醫之道難矣哉。凡病傷寒最重。溫熱尤烈。傷寒僅在一時。溫熱暑疫。每發三季。為時既久。病者益多。苟不明其源。溯流不得清也。不辨其類。療治不得當也。則溫熱暑疫。皆熱證也。燎原之下。竟乏清涼一滴。人無今昔。性有異同。神酣往聖。志切琳瑯。後以一隙微明。靜中索照焉。夫上古聖人。首重色脈。以營之未交。已交。定人生死。片言已畢。中古聖人。端論穀氣盛衰。定人生死。片言已畢。仲景叔季聖人也。既立方論。復出不盡之藏。緯以勝脫之傷。與絕。定人生死。先後合符。了無剩義矣。乃仲景於傷寒論中。溫熱森森具載。黃芩白虎等湯。是其治也。後之學者。苟能引伸此意。便可變化不窮。神明千載。不能細察其理。反執以為治傷寒之法。蓋想本湯既無外解之功。又無以專之力。聖人立法。果何謂乎。自晉以來。疑鬼疑神。陋治無已。如崔文行解溫用白朮烏頭細辛桔梗四味。更加附子名老君神明散。更加螢火名務成子螢火丸。熱藥相投。以火濟火。誰其辨諸。如仲景書謂太陽病發熱不惡寒而渴者為溫病。朱肱活人書謂發熱惡寒頭疼身痛者為溫病。已悖聖訓矣。又云春秋發斑欬嗽。

爲溫病。至風溫治在少陰。其所立五方。如葳蕤湯。知母葛根湯。防已湯。栝樓根湯。葛根龍膽湯。風火相熾。燔灼無休。復改聖散子。仍用附子。表裏香燥同之。東坡先生在黃州時。頗稱其效。豈知朱肱已三易其方。用敗毒散而遠熱藥。然厥功奚減。厥罪吳氏謂傷寒壞病。更遇溫熱爲溫病。潔古老人傷寒名家也。其于雲岐。以傷寒過經不解者爲溫病。指叔和之言。爲仲景之文。趙嗣真謂仲景云。重感異氣。變爲溫病。王機謂仲景云。遇溫氣爲溫病。遇溫熱爲溫毒。竟不顧聖經之載於方策者。何曾有此一語。巢氏病源。遵崔文

溫熱暑疫全書

目錄

二

行解散法。一日用摩膏火灸。二日用鍼解散。三日復汗之。四日用藜蘆九瓜蒂散吐之。五六日解未了者。復鍼之。七日熱已入胃。雞子湯下之。遂使龐安常自撰微言。一以和解爲主。奉爲靈寶。少移則蹶。巢龐比匪何極。李思訓亦宗和解。王海藏稱其當。宋全盛明哲莫踰。擬非其倫矣。丹溪長於溫熱。善用涼藥。溫熱遇之自能解散。要非有斟酌於其間也。東垣不善外感。長於內傷。乃從內經悟出冬溫春溫二義。誠暗

中一大炬。嘉言極口歎頌。真先得我心者矣。迨劉河間傷寒直格。於熱病每多人理深談。然混在正傷寒

中。在人眼光探擇。不免金屑雜於泥沙者歟。至明季方中行著傷寒條辨。可謂直登仲景之堂。獨開生面。惜其論溫熱。亦分陰分陽。似可用熱。遂爲嘉言所宗。嗟乎病名溫熱。自需寒涼。乃千百年來盈庭聚訟。先後支吾。陽春寡和。於漢庭。損篋迭奏於晉室。良由來派不清。復無面牆體認。誠習焉而不察耳。不然豈諸公各自名家。乃甘悖聖矩如是耶。若夫夏月暑證。即金匱中濕。暍氣蒸之病也。潔古東垣以動靜分陰陽。動而得之爲陽。用白虎。靜而得之爲陰。用大順。冷香諸劑。豈知夏月果果炎威。有陽無陰。動靜不甚相遠。

溫熱暑疫全書

目錄

三

惟多食冰果冷物。及恣意房幃。致傷太陰少陰者。熱藥可以暫用。豈得視溫熱之味爲通行之藥乎。清憲北海林夫子爲一代偉人。醫學宗匠。俊立雪程門。三五年間。極蒙提命。因授所刻明計部張鳳達治暑書。申明理蘊。精確不磨。雖有小疵。不掩大德。誠可振聾聵。矚於千古者也。至叔和云。四時不正之氣。感則爲疫。不知非時不爲厲氣。僅爲寒疫。而大疫之沿門闔境。傳染相同者。允在兵荒之後。尸濁穢氣充斥道路。人在氣交。感之而病。氣無所異。人病亦同。所以月令於孟春掩骼埋胔。不敢或後者。聖王早慮及此耳。非徒

澤及枯骨也。後世治疫之法，未有定見。如嘉言上焦如霧，升逐解毒，中焦如瀉，疏逐解毒，下焦如瀉，決逐解毒。俟其營衛既通，乘勢追拔，勿使潛滋暗長於未盡之時。此固不易之論。然求其反覆盡義，變態直窮者，舍吳又可之言，別無依傍也。倭幸生明備，不安苟且，日引光明之藏，志披榛莽之途，輯仲景傷寒論三注，金匱補注之餘，先將溫熱暑疫四證，釐訂經文，采集方論，無背聖法，有合病情，各自成帙，蒙藩憲丁夫子，因戊午年時疫盛行，憫編戶之疾苦，如痼癢之乃身，遂下詢疫所自始，與所為治，惻然嘆曰：嗟乎，安得

溫熱暑疫全書

目錄

四

明此理者，數十輩循行救治，俾在火輪火樹夢魘心迷者，一旦提置冰山雪竇之中，奚止飲醍醐而稱快哉。命急付棗以公同志。康熙己未辜月吳門周揚俊禹載識

溫病方論卷一

吳門周揚俊禹載輯

後學

薛雪生白

重校

太陽病發熱而渴，不惡寒者，為溫病。

周注：溫病由伏邪自內發出，一達於外，表裏俱熱，熱勢既壯，鬱邪耗液，故發而即渴。其表本無邪鬱，內方喜寒，故不惡寒。延至二三日間，或腹滿，或下利者，即此證也。與傷寒之先表後裏者大異。然獨係太陽，以未顯他經之證，明自少陰發出，為表裏也。

溫熱暑疫全書

卷一 溫病

若發汗已，身灼熱者，名曰風溫。風溫為病，脈陰陽俱浮，自汗出身重，多眠睡，鼻息必鼾，語言難出。若被下者，小便不利，直視失溲。若被火者，微發黃色，劇則如驚，癇時瘕瘕，若火薰之一逆，尚引日再逆，促命期。

方注：灼熱，謂熱轉加甚也。風溫，謂於溫病有風也。陰陽俱浮，太陽本浮，而風溫皆陽，故上下皆見浮也。自汗出，亦衛受傷也。身重多眠睡，鼻息必鼾，語言難出者，風擁則氣昏，熱甚則氣鬱也。小便不利者，太陽主膀胱，而風溫皆陽，下則反攻，徒亡其津液，而膀胱之氣傷也。直視者，太陽之筋支者為目。

上綱故不轉睛而上竄也失溲言小便甚失其常  
度也火灸熨之類也微言攻之微則變亦微發黃  
者火熱則土燥故其色外奪也劇言攻之劇則變  
亦劇如驚癇時痰癇者火盛熱極而生風也薰亦  
火劫也一逆言乍悞也尙引日言猶可俄延再逆  
言復悞也促命期言天枉人之天年其致警之意  
深矣

周注此條緊承上文云若發汗已身灼熱者名曰  
風溫是仍太陽病溫誤發其汗與更感於風者自  
是不同然亦名風溫何也既曰太陽不即顯少陰

溫熱暑瘧全書 卷十一 溫病

證惟悞汗則其證本溫復以辛熱之藥汗之則陰  
津外出表裏增熱脈必至尺寸俱浮正以風與溫  
混腎水不能獨沉其證自汗身重腎本病也多眠  
睡鼻息鼾語言難腎本病也始先太陽因汗使少  
陰之候同時荐至危且殆矣古律垂戒云風溫治  
在少陰不可發汗發汗者死豈知太陽亦不可發  
汗發汗則亦同於風溫之少陰乎緣醫者誤認爲  
傷寒而用正汗藥也若不汗而誤下者傷膀胱之  
氣化小便不利津液大傷直視失溲一府一藏同  
時兩絕矣至誤被火劫者微則熱傷營氣而熱瘧

發黃劇則熱甚風生而驚癇瘵瘵蓋因亂其神明  
擾其筋脈也然則於三者之中一逆已待斃再犯  
則立危矣喻嘉言論內經刺熱論溫首引太陽之  
脈色榮顙骨榮未交曰今且得汗待時而已與厥  
陰爭見者死期不過三日其熱病內連腎少陽之  
脈色榮頰前榮未交曰今且得汗待時而已與少  
陰脈爭見者死互言得汗非發汗也故聖人專論  
穀氣腎中精勝乃汗則生腎中虛甚更熱則死其  
旨至矣盡矣仲景復出不盡之藏更視膀胱以緯  
之視小便不利則膀胱傷甚直視失溲命門所藏  
之精不能照物神髓涸矣瞳子高爲太陽不足戴  
眼爲太陽已絕已絕者其足不可屈伸是以中風  
暴病多絕膀胱不識人者風溫扼要首視膀胱未  
有膀胱不絕而腎水先絕者也  
太陽與少陽合病自下利者與黃芩湯若嘔者黃芩  
加半夏生薑湯主之

溫熱暑瘧全書 卷一 溫病

周注黃芩湯治溫本藥也明言太少二陽何不用  
二經藥非傷寒也傷寒由表入裏此則自內發外  
無表何以知太少二陽或脇滿或頭痛或口苦引  
飲因不惡寒而即熱故不得謂之表也如傷寒合

病皆表病也。今不但無表，且有利裏證。傷寒協熱利，必自傳經而入。不若此之即利也。溫何以即利？外發未久，內鬱已深，其中氣本虛，豈能一時盡洩於外，勢必下走作利矣。

黃芩湯

黃芩 三兩

甘草 二兩

芍藥 二兩

大棗 十二枚

右四味以水一斗煮取三升，去滓溫服一升，日再服。夜一服。若嘔者，加半夏半升，生薑三兩。

黃芩加半夏生薑湯

溫熱暑疫全書

卷一 溫病

四

黃芩 三兩

甘草 二兩

芍藥 二兩

大棗 十二枚

半夏 半升

生薑 三兩

右六味以水一斗煮取三升，去滓溫服一升，日再服。夜一服。

服夜一服

周注：黃芩滌熱，故為溫利主藥。以能泄熱也。然用芍藥者，性酸寒，深入陰分，一泄一收，熱去而利止耳。取甘肅者，和中也。勝於與膽二府既病，胃無獨安之理。至有嘔明有痰飲結聚，非薑半不除。薑半辛燥，非伏氣所宜，而去嘔則有殊功也。况以芩為君，又何畏乎。

三陽合病，脈浮大，上關，上但欲眠，睡目合則汗。

方注：太陽脈浮，陽明脈大，關上乃少陽之部位。故曰三陽合病。但欲眠，睡者，熱聚於膽也。目合則汗者，少陽少血，虛則不與陽和，寐屬陰，故盜汗出也。周注：溫氣發出，乃至三陽皆病，其邪熱潤實，不言可知。故其脈浮大也。憶邪伏少陰時，則尺脈亦已大。今因由內發外，由下達上，而浮大見於關以上，故曰上關上也。邪雖上見陽位，少陰之源未靖，則欲眠尚顯本證。而目合則汗，即為盜汗，又顯少陽本證。何以獨見少陽？因母虛子亦虛，而少陰邪火與少陽相火同升燔灼也。所以稍異熱病者，但目合則汗，不似熱病之大汗不止也。然何以不言太陽陽明二經證？以浮為太陽經脈，大為陽明經脈也。治法當以小柴胡去人參，薑半加芍藥為主。師曰：伏氣之病，以意候之。今月之內，欲有伏氣，假令舊有伏氣，當須脈之若脈微弱，當喉中痛，似傷非喉痺也。病人云：實咽中痛，雖爾今復欲下利。周注：於伏氣之時，見伏氣之病，而脈得微弱，則是少陰脈也。其人腎氣虛者，不及於陽，而即發於陰，以少陰脈本循喉也。故將發必咽痛，至發後則痛。

極似傷矣、豈可認爲痺證、而誤治耶、然咽痛勢已發於上、殊不知腎司開闔、陰熱上升、豈遂盡泄、故必疾趨後陰、而下利可預知也、

少陰病二三日咽痛者可與甘草湯不差者與桔梗湯

周注、伏氣發出少陰之經、必咽痛者不必言矣、先與甘草湯以緩其上升之勢、更與桔梗湯以開其佛鬱之邪、亦不必言矣、但伏氣爲重證、少陰爲至虛、仲景輕輕先試、不用黃芩本湯者、夫豈無故、以纔發少陰、止見咽痛、無胸滿心煩等症也、無下利溫熱暑瘧全書 卷一 溫病 六

甘草湯

甘草 二兩

右一味以水三升煮取一升半去滓溫服七合日二服

周注、少陰之脈循喉嚨邪熱客之能無痛乎、正挾少陰之火上升也、主甘草者、甘能治熱火也、

桔梗湯

桔梗 一兩 甘草 二兩

右二味以水三升煮取一升半去滓分溫再服周注、設服前湯而不除、非藥之不勝病也、正以少陰之火挾邪上攻、則并其母亦病、故加桔梗開之而自無不愈矣、

少陰病得之二三日已上心中煩不得臥黃連阿膠湯主之

周注、伏邪未發、津液先已暗耗、今得之二三日已上、雖陰火不升、未見咽痛等證、而心煩不臥、已知

溫熱暑瘧全書 卷一 溫病 七

陰血消耗、故令芩連祛熱、膠芍滋陰、兩得之矣、

黃連阿膠湯

黃連 四兩 黃芩 二兩 芍藥 二兩

雞子黃 二枚 阿膠 三兩

右五味以水五升先煮三物取二升去滓內入膠烱盡小冷內雞子黃攪令相得溫服七合日三服周注、裏熱當祛之、內燥須滋之、然滋之而即得其潤、祛之而適滌其熱、惟聖人合宜也、心煩故主黃連、佐以黃芩、則肺胃之邪俱清、然熱甚以消少陰之水、水源既燥、津液有不匱乏者乎、雞子黃阿膠

深益血分之味以滋其陰連苓得此功莫大焉况加芍藥以飲消燥之心氣兼以入肝遂使煩者不煩不臥者臥矣

春溫集補證治并方

凡溫病發必渴而煩擾脇滿口苦惡熱而不惡寒明係自內發出更無表證雖經絡不同必先少陽以春行風木之令也

一法少陽陽明合病裏證多者承氣湯

一法三陽合病大柴胡湯或雙解散

一法若少陽經有客邪而發脈弦兩額傍痛寒熱口苦宜小柴胡去人參薑半加括萎根有嘔者但去人參

一法脈微緊兼惡寒頭痛宜梔子豉湯或益元散加

葱豉薄荷熱甚涼隔散去大黃朴硝加葱豉

一法頭痛如破暴感外邪宜葛根葱白湯散邪後用黃芩湯

一法脈洪大而數外熱譫語熱在三焦也三黃石膏湯

一法凡應下證下後熱不去或暫解復熱再下之

一法下後熱不止脈瀦咽痛胸滿多汗熱傷血分也草薢苦酒湯吐之

一法裏熱已甚陽邪怫鬱作戰而不能汗出雖下證未全者宜涼膈散

一法腹滿煩渴、脈沈實者、三承氣湯選用、勢劇者合黃連解毒湯、

附風溫

一法倘溫病少陰伏邪發出、更感太陽客邪、名曰風溫、必陽脈浮滑、陰脈濡弱、發熱咽痛口苦、但微惡寒者、黃芩湯加桂枝石膏、或以葱豉先撤其外、後用黃芩湯、甚則葳蕤湯加減、

一法本太陽病發熱而渴、誤發汗、身灼熱者、亦名風溫、脈陰陽俱浮、如前證、用麻黃升麻湯、去二麻薑朮、按誤汗風溫一證、仲景不出方者、以為太陽少

溫熱暑瘧全書

卷一 溫病

十

陰、同時荐至、危於兩感、去生甚遠也、

附冬溫

一法冬時有非節之暖、未至而至、即為不正之氣、獨冬不藏精之人、腎氣外泄、腠理不固、溫氣襲人、感之為病、此為冬溫、脈必寸洪尺數、或實大、心煩嘔逆、身熱不惡寒、或頭疼身重、面腫咳嗽、咽痛下利、與溫無異、而時令不同也、宜陽旦湯、加桔梗茯苓、

一法若有寒食停滯、加厚朴溫藥一味、以溫散其中、黃芩涼解其外、即仲景陰旦湯之意也、

一法若先感溫氣、即被嚴寒遏抑、則發熱而微畏寒、

汗不出而煩擾、陽旦加麻黃石膏發之、

一法醫視冬溫、每有誤認傷寒、辛熱發汗、致令發斑成毒者、當以升麻葛根湯、加犀角黑參、或犀角黑參湯、

參湯

一法更有辛熱發汗、徒耗津液、裏熱益甚、胸腹滿悶、因誤用下藥、反發熱無休止、脈來澀、此陰血受傷也、急宜葶藶苦酒湯探之、以收陰氣、泄邪熱、若服後、熱勢轉劇、神氣昏憤、譫語錯亂者、必不救也、冬溫為病、亦自不一、當各隨見證治之、凡冬溫之毒、大便泄而譫語、脈虛小、手足冷者、皆不治也、

溫熱暑瘧全書

卷一 溫病

十二

附溫瘧

一法春時溫病未愈、適復感寒、忽作寒熱者、溫瘧也、陰陽例云、脈陰陽俱盛、重感於寒、變為溫瘧、其證寒熱交作、胸脇滿、煩渴而嘔、微惡寒者、小柴胡去參牛、加括蕤根、石膏、

一法無寒但熱、其脈平、骨節煩疼、時嘔者、黃芩加生薑湯、至如內經所言、先熱後寒之溫瘧、乃得之冬中於風、寒氣藏骨髓之內、至春陽氣大發之時、邪氣不能自出、因遇大暑、腦髓燥、肌肉消、腠理發泄、或有勞力、邪氣與汗共併而出、此病藏於腎、自內

達外者也如是則陰氣虛而陽邪盛故爲熱熱盛則必衰衰則氣反而復入入則陽虛陽虛則又寒矣故先熱後寒名曰溫瘧治宜人參白虎湯周禹載曰或有客邪則必先微惡寒繼大熱熱而後大寒者也本湯中畧用桂枝此伏邪自發之溫瘧與溫病復感外邪之溫瘧自是兩種

附溫毒發斑 熱病發斑同此

發斑因失於汗下熱毒內攻不得散蘊於胃府而發出肌表或汗下不解足冷耳聾胸中煩悶欬嗽嘔逆躁熱起臥不安者是發斑之候春至溫病之

溫熱暑疫全書 卷一 溫病 三

人更遇時熱爲未至而至之異氣變爲溫毒王叔和云陽脈洪數陰脈實大更感溫濕變爲溫毒伏溫與時熱交并表裏俱熱溫熱爲病最重也其脈浮沉俱盛其證心煩悶嘔逆喘咳甚則面赤身體俱赤色狂亂躁渴咽腫痛狂言下利而發斑最爲危候斑如錦紋身熱煩躁大便燥結者黃連解毒湯

湯

若躁悶狂妄而無汗者三黃石膏湯  
自汗煩渴而發斑爲胃熱人參化斑湯  
煩熱錯語不眠白虎合黃連解毒湯

斑不透犀角大青湯已透熱不退本湯去升麻黃芩加入人參生地黃柴胡凡斑色紫者爲危候黃連解毒合犀角地黃然須與病家言過而用以此證雖藥十中僅救二三若黑色而下陷者必死也發斑雖禁下若大便秘躁渴色紫者可微下之若發斑已盡外勢已退內實不大便譫語小劑涼隔散或大柴胡微下之

凡發斑紅赤者爲胃熱紫爲胃傷黑爲胃爛也大抵鮮紅起發者吉雖大不妨稠密成片紫色者半死半生雜色青紫者十死不一生矣凡斑既出須得

溫熱暑疫全書 卷一 溫病 三

脈洪數有力身溫足暖者易治若脈小足冷元氣虛弱者難治狂言發斑大便自利或短氣燥結不通而黑斑如果實驚者皆不治

附醫案三則

許叔微治一人內寒外熱而發斑六脈沉細肩背胸脇斑出數點隨出隨隱旋更發出語言狂亂乃陽爲陰逼上入於肺轉之皮毛故錯亂如狂非譫語也肌表雖熱以手按之須臾冷透如冰與薑附等藥數劑乃大汗而愈

滑伯仁治一人身大熱脈沉實而滑四末微清以燈

燭之遍體皆赤斑舌上胎黑而燥裂芒刺神昏譫

語以小柴胡加知母石膏一夕連進三服次用大承氣下之而安

呂滄州治一人脈虛自汗誤與真武湯遂至神昏時時熟睡脈伏不至而肌熱灼指此營熱致斑之候非陽病陰脈之比先與白虎加人參湯化其斑復以桃核承氣下之而愈

周禹載曰發斑之證已致慎其下及用辛熱更無是理而病情之變復有如三案者可見病機不可執一妙在臨證化裁耳故附之以廣識見云

溫熱暑疾全書

卷一 溫病

一四

春溫病論

周禹載曰喻嘉言尚論篇闡發仲景傷寒論殊暢也醫門法律闡發金匱要畧殊貫也雖皆有所粉本然學廣才弘心靈筆古以各成其妙者也至尚論溫病云會內經之旨以發仲景不宣之秘且謂仲景畧於治溫而法度錯出於治傷寒中因內經云冬傷於寒春必病溫此一大例也冬不藏精春必病溫此一大例也既冬傷於寒又冬不藏精至春月同時病發此一大例也奉此三例以論溫證而詳其治然後與仲景三陽三陰之例先後合符蓋冬傷於寒邪藏肌膚

溫熱暑疫全書

卷一 溫病

一五

即邪中三陽之謂也冬不藏精邪入陰藏即邪中三陰之謂也嘉言之論如此予謂溫病無陰陽之分也何也冬有溫氣先開發人之腠理而寒得以襲之所謂邪之所湊其氣必虛惟不藏精之人而後虛也虛則寒傷其經經必少陰者以少陰藏本虛也然所傷原微且冬月大水當令其權方盛微邪不敢抗衡但臥榻之側豈容他人鼾睡惟有阻彼生意暗燄精髓至於春時強木長而水不足以供其資始則當春而溫木旺水虧所鬱升發火氣燔灼病溫而已矣其所傷者寒也所病者溫也所伏者少陰也所發者少陽

也故病必有陽而無陰藥必用寒而遠熱黃芩湯其主治也則嘉言之論溫有陰有陽如傷寒三陰經可用辛熱者予曰否否不然也

又曰冬傷於寒春必病溫是言所感者本寒也王叔和云從立春節後其中無暴大寒又不冰雪有人壯熱爲病者此屬春時陽氣發外冬時伏寒變爲溫病此亦明言寒也變字大妙嘉言以爲非予獨以爲確寒氣內伏鬱久而發自成熱矣傷寒寒也暫襲營間不久而爲大熱況遲之又久耶爲熱乃自然之理但不言變不足以教天下也然何以不言熱而言溫以

溫熱暑疫全書

卷十 溫病

二六

春行溫令故也如李明之所云冬傷於寒者冬行春令也當冬而溫火勝而水虧矣水既虧則所勝妄行土有餘也所生受病金不足也所不勝者侮之火太過也火土合德溫熱相助故爲溫病然由明之所言是冬溫而感之即病者也非伏寒也非變也不然必無冬溫一證也而後可既有冬溫則有是氣已有是證矣由其言以悉冬溫便可垂論不磨若論春溫不免貽昧千古矣經曰逆冬氣則少陰不藏不藏則寒邪得而入之傷於肌膚伏於骨髓始知冬爲藏精之時惟逆冬氣遂使少陰之經氣不閉復遭非時之暖

致令開洩忽然嚴寒驟返不免受傷故受傷者仍是

寒邪也因先被溫令開洩似乎喜寒且所傷不甚故不即病而潛伏於少陰也然所以不病於冬而病於春者正因水在冬爲旺時邪伏於經且俛首而不敢抗內鬱既久已自成熱至行春令開發腠理陽氣外洩腎水內虧至春三月而木當生發孰爲鼓舞孰爲滋養生化之源既絕木何賴以生乎身之所存者溫也時強木長故爲溫病余故以彼論冬時之感溫非是而此論冬月之伏寒最精愚性甚拙何敢好議先賢但以爲必如此方與冬溫兩不相阻且與仲景論

溫熱暑疫全書

卷十 溫病

二七

溫熱必推本自始動曰傷寒之旨無悖云耳

門人問曰傷者寒也何以病溫答曰傷寒非病寒乎而何以熱也寒鬱營間不一二日而成大熱况伏藏於內者數十日之久耶夫既邪傷肌肉何以得入少陰經中蓋惟不藏精則少陰先病故邪傷者少陰也春屬木則自內發出無論兼太陽或陽明總無不由少陽何也彼少陽行春令也然既從少陰矣何仲景專云太陽病蓋太陽與少陰相表裏也故以發熱爲太陽也曰不惡寒明無表症也則其熱自內出無外邪鬱之也然則仲景復言太少合病者見發熱不惡

寒或兼有耳聾脇滿證也。言三陽合病者以脉大陽陽明而多眠則熱聚於膈也。不言法者總以黃芩湯爲主治也。乃嘉言復謂有發表三五次而外證不除攻裏三五次而裏證不除以爲在表也。又似在裏以爲在裏也。又似在表。此溫疫證感天地人濕氣熱氣尸氣邪入口鼻濁滑三焦者相近與春溫全不相涉也。愚故及之以破後學之惑。

門人復問曰春溫亦間有一二表症者乎。曰有之。伏氣之病雖感於冬然安保風之傷人不在伏氣將發未發之時乎。但兼外感者必先頭痛或惡寒而後熱

溫熱暑疫全書

卷一 溫病

一八

不已。此新邪引出舊邪來也。或往來寒熱頭痛而嘔稍愈後渾身壯熱爲病者。此正氣又虛伏發更重也。總之無外證者以黃芩湯爲主治兼外感者必加柴胡。或以本經藥輕解必無發汗之理。故仲景云發汗已身灼熱者名曰風溫。謂誤用辛熱之藥既辛散以劫其陰復增熱以助其陽遂使熱更熾脈俱浮有如

溫熱病脈論

溫病熱病之脈或見浮緊者乃重感不正之暴寒寒

邪束於外熱邪結於內故其脈外綱急而內洪盛也或不識脈形但見弦脈便呼爲緊而妄治之蓋脈之盛而有力者每每兼弦豈可錯認爲緊而誤以爲寒乎。夫溫熱病之脈多在肌肉之分而不甚浮且右手反盛於左手者誠由怫鬱在內故也。其左手盛或浮者必有重感於風寒否則非溫熱病自是非時暴寒耳。

溫熱病亦有先見表證而後見裏證者蓋拂鬱自內達外熱鬱腠理之時若不用辛涼發散則邪不得外泄遂還裏而成可攻之證非如傷寒從表而始也。或

溫熱暑疫全書

卷一 溫病

一九

有不悟此理乃於春夏溫熱病而求浮緊之脈不亦疎乎。